

PROPRIVM MISSARVM DE SANCTIS ECCLESIAE PASSAVIENSIS.

s. In-
narij
FESTA JANUARII.
IN FESTO S. SEVE-
RINI, Abbatis.

ibid. *Introitus.*

Psal. 30.  *S justi meditabitur sapientiam, & lingua ejus loquetur judicium: & DEI ejus in corde ipsius.*

ibid. *Psalm.* *Noli æmulari in malignantibus: neque zelaveris facientes iniquitatem.*

V. Gloria Patri.

ORATIO.

*I*ntercessio nos, quæsumus Domine, beati Severini Abbatis commendet: ut quod nostris meritis non valemus, ejus patrocinio assequamur. Per Dominum nostrum.

*E*t fit Commemoratio Vigiliae Epiphaniæ: non tamen in Cathedraли, & collegiatis Ecclesijs, ubi duæ cantantur missæ, una de Festo, altera de Vigilia, sine ulla utrorumq; Commemoratione.

*O*ratio de Vigilia Epiphaniæ.

*O*mnipotēs sempiterne Deus, dirige actus nostros in beneplacito tuo: ut in nomine dilecti Filij tui mereamur bonis operibus abundare.

¶ Pro Commemoratione S. Telesphori Papæ & Martyris.

ORATIO.

*D*eus, qui nos beati Telephori martyris tui atq; Pontificis annua solemnitate lætificas: cōcede propitius, ut cujus natalitia colimus, de ejusdem etiam protectione gaudeamus. Per Dominum.

*L*eđio libri Sapientiae.

*D*ilectus Deo, & hominibus, cuius memoria in benedictione est. Similem illū fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit eum in conspectu regum, & jussit illi corām populo suo, & ostendit illi gloriam suam. In fide & lenitate ipsius Sanctum fecit illum, & elegit eum ex omni carne. Audivit enim vocem ipsius, & induxit illum in nubem, & dedit illi corām præcepta, & legem vitæ & disciplinæ.

*G*raduale. Domine prævenisti eum in benedictionibus dulcedinis: posuisti in capite ejus coronam de lapide pre-

Eccles.
45.

Psalms
20.

A

tioso

XVII.20573a



2 Festa Passav. Ecclesiæ in Januario.

Pf. 21.

tioso. v. Vitam petijt à te, & tribuistie i longitudinem die- rum in sæculum sæculi. Alleluja, alleluja. v. Justus ut palma florebit, sicut cedrus Libani multiplicabitur. Allel. *Sequentia sancti Evangelij secundum Lucam.*

Luc. 12

IN illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris. Et vos similes hominibus expestantibus dominum suum, quādo revertatur à nuptiis: ut cum venérit & pulsaverit, cofestim aperiant ei. Beati servi illi, quos cùm vénerit Dominus, invenerit vigilantes. Amen dico vobis, quod præcinget se, & faciet illos discubere, & trāsiens ministrabit illis. Et si vénerit in secunda vigilia, & si in tertia vigilia venérit, & ita invénerit: beati sunt servi illi. Hoc autem scitote, quoniam si sciret paterfamilias, quā horā fur veniret, vigilaret utique, & non sineret, pérfodi domum suam. Et vos estote parati, quia quā horā non putatis, filius hominis veniet.

Psalm.
20.

Offertorium. Desiderium animæ ejus tribuisti ei Domine: & voluntate labiorum ejus non fraudasti eum, posuisti in capite ejus coronam de lapide pretioso.

Secreta.

SAcris altaribus, Domine hostias superpositas sanctus Severinus Abbas, quæsumus, in salutem nobis provenire deposcat. Per Dominum.

Pro Vigilia Epiphaniæ Secreta.

COncede quæsumus, omnipotens Deus: ut oculis tuæ Majestatis munus oblatum, & gratiam nobis piæ devotionis obtineat, & effatum beatæ perennitatis acquirat.

Pro S. Telephoro Secreta.

MUnera tibi Domine, dica- ta sanctifica: & interceden- te beato Telephoro martyre tuo atque Pontifice, per eadem nos placatus inten- de. Per Dominum nostrum.

Communio. Fidelis servus & prudens, quem constituit Dominus super familiam suam: ut det illis in tempore tritici mensuram.

Postcommunio.

Protegat nos Domine, cum tui perceptione Sacramenti beatus Severinus Abbas, pro nobis intercedendo: ut & conversationis ejus experi- amur insignia, & interces- sionis ipsius percipiamus suf- fragia. Per Dominum no- strum.

Pro

Pro Vigilia Epiphaniæ.

Postcommunio.

PEr hujus Domine, operationem mysterij, & vitia nostra purgentur, & iusta desideria compleantur.

Pro S. Telesphoro.

Postcommunio.

Refecti participatione munieris sacri, quæsumus Domine Deus noster, ut cuius exequimur cultum, intercedente beato Telesphoro martyre tuo atque Pontifice, sentiamus effectum. Per Dominum nostrum.

IN FESTO S. VALENTINI, Episcopi & Confessoris.

Introitus.

STATUIT ei Dominus testamentum pacis, & Principem fecit eum: ut sit illi Sacerdotij dignitas in æternum.

Psalm. Memento Domine David, & omnis mansuetudinis ejus. v. Gloria Patri.

ORATIO.

Propitiare, quæsumus Domine, nobis famulis tuis, per beati Valentini Confessoris tui atque Pontificis merita gloriofa: ut ejus pia intercessione ab omnibus protegamus adversis. Per Dominum.

Et fit commemoratione oœtava Epiphaniæ.

ORATIO.

Deus, qui hodierna die Uni-

genitum tuum gentibus stella duce revelasti: concede propius: ut, qui jam te ex fide cognovimus, usque ad cōtemplandam speciem tuæ celitudinis perducamur. Per eundem Dominum.

Lectione Libri Sapientiæ.

Ecce Sacerdos magnus, qui in diebus suis placuit Deo, & inventus est justus: & in tempore iracundiæ factus est reconciliatio Non est inventus similis illi, qui conservaret legem Excelsi. Ideo jure jurando fecit illum Dominus crescere in plebem suam. Benedictionem omnium gentium dedit illi, & Testamentum suum confirmavit super caput ejus. Cognovit eum in benedictionibus suis: conservavit illi misericordiam suam: & invenerit gratiam coram oculis Domini. Magnificavit eum in conspectu regum: & dedit illi coronam gloriæ. Statuit illi testamentum sempiternum: & dedit illi Sacerdotium magnum: & beatificavit illum in gloria. Fungi Sacerdotio, & habere laudem in nomine ipsius: & offerre illi incensum dignum in odorem suavitatis.

Graduale. Ecce Sacerdos magnus, qui in diebus suis placuit Deo. v. Non est inventus similis illi, qui conservaret legem Excelsi. Allelu-

*Ecclesiæ.
44.45.*

Ibid.

Ps. 109. ja, alleluja. v. Tu es Sacerdos in æternum, secundum ordinem Melchisedech, alleluja. *Sequentia sancti Evangelij secundum Matthæum.*

Matt. 25. In illo tempore dixit Jesus Discipulis suis parabolam hanc: Homo quidam peregrinè proficiscens vocavit servos suos, & tradidit illis bona sua. Et uni dedit quinque talenta, alij autem duo, alij verò unum: unicuique secundum propriam virtutem: & profectus est statim. Abiit autem qui quinque talenta accéperat, & operatus est in eis, & lucratus est alia quinque; similiter & qui duo accéperat, lucratus est alia duo. Qui autem unum accéperat, abiens fodit in terram, & abscondit pecuniam domini sui. Post multum verò temporis venit dominus servorum illorum, & posuit rationem cum eis. Et accédens qui quinque talenta accéperat, obtulit alia quinque talenta, dicens: Domine, quinque talēta tradidisti mihi: ecce alia quinque superlucratus sum. Ait illi dominus ejus: Euge serve bone & fidelis, quia in pauca fuisti fidelis, supra multa te constitutam: intra in gaudium Domini tui. Accessit autem, & quiduo talenta accéperat, &

ait: Domine, duo talenta tradidisti mihi: ecce alia duo lucratus sum. Ait illi Dominus ejus: Euge serve bone & fidelis: quia super pauca fuisti fidelis, supra multa te constitutam: intra in gaudium Domini tui.

Offertorium. Invéni David servum meum, Oleo sancto meo unxi eum: manus enim mea auxiliabitur ei, & brachium meum confortabit eum..

Secreta.

S Ancti Valentini Confessoris tui atque Pontificis, quæsumus Domine, annua solemnitatis pietati tuæ nos reddat acceptos: ut per hæc piæ placationis officia, & illum beata retributio comitetur, & nobis gratiæ tuæ dona conciliet. Per Dominum nostrum.

Pro Octava Epiphaniæ.

Secreta.

Ecclesiæ tuæ, quæsumus Domine, dona propitiis intuere: quibus non jam aurum, thus, & myrra proferuntur: sed quod eisdem munieribus declaratur, immolatur & sumitur, Jesus Christus filius tuus Domiuus noster. Qui tecum.

Præfatio de Epiphania.

Communio. Fidelis servus & prudens, quem constituit

Do-

Dominus super familiam suam : ut det illis in tempore tritici mensuram..

Postcommunio.

DEUS fidelium remunerat or animarum, præsta : ut beati Valentini Confessoris tui atque Pontificis, cuius venerandam celebramus festivitatem, precibus indulgentiam cōsequamur. Per Dominum.

Pro Octava Epiphaniæ.

Postcommunio.

PRÆSTA quæsumus omnipotens Deus : ut quæ solemnni celebрамus officio, purificatæ mentis intelligentia consequamur. Per Dominum.

¶ In Cathedrali Ecclesia per Octavam Epiphaniæ fit commemoratione de Octava S. Valentini. IN DIE OCTAVA S. VALENTINI dicitur Missa sicut in ejus festo cum commemoratione S. Felicis. Festum autem S. Hilarij transfertur.

¶ Pro commemoratione S. Felicis Presbyteri & Martyris.

ORATIO.

COncede quæsumus omnipotens Deus : ut ad meliorem vitam, Sanctorum tuorum exempla nos provocent : quatenus quorum solemnia agimus, etiam actus imitemur. Per Dominum.

Secreta.

HOstias tibi Domine, beati Felicis Martyris tui dicatas

meritis, benignus assume : & ad perpetuum nobis tribue provenire subsidium.. Per Dominum nostrum.

Postcommunio.

QUæsumus Domine, salutaribus repleti misteriis : ut beati Felicis martyris tui, cuius solemnia celebramus, orationibus adjuvemur. Per Dominum nostrum.

IN FESTO S. VIGILII,
Episcopi & Martyris.

31. Januarij.

Introitus.

STATUIT ei Dominus testamentum pacis, & Principem fecit eum : ut sit illi Sacerdotij dignitas in æternum..

Psalm. Memento Domine David : & omnis mansuetudinis ejus. **V.** Gloria Patri.

131.

ORATIO.

DEUS, qui hunc diem nobis beati VIGILII martyris tui atque Pontificis sanguine consecrasti : da quæsumus, ut ejus meritis ab omnibus semper adversis defensi, æternæ vitæ præmia consequamur. Per Dominum.

Lectio Epistolæ beati Pauli Apostoli ad Corinthios.

FRATRES. Benedictus Deus, & Pater Domini nostri IESU Christi : Pater misericordiarum, & Deus totius consolationis : qui consolatur nos in omni tribulatione nostra :

2. Cor. 3.

ut possimus & ipsi consolari eos, qui in omni pressura sunt, per exhortationem, quā exhortamur & ipsi à Deo. Quoniam sicut abundant passiones Christi in nobis: ita & per Christum abundat consolatio nostra. Sive autem tribulámur, pro vestra exhortatione & salute: sive consolamur, pro vestra consolatione: sive exhortamur, pro vestra exhortatione & salute: quæ operatur tolerantiam earundem passionum, quas & nos patimur: ut spes nostra firma sit pro vobis: scientes, quoniam sicut socij passionum estis, sic eritis & consolationis: in Christo Jesu Domino nostro.

Graduale. Inveni David ser-

Pf. 88. vum meum, Oleo sancto meo

unxi eum: manus enim mea auxiliabitur ei, & brachium meum confortabit eum..

Pf. 109. Nihil proficiet inimicus in eo, & filius iniquitatis non nocebit ei. Alleluja, alleluja. ¶ Tu es Sacerdos in æternum, secundum ordinem Melchisedech. Alleluja.

¶ Si hoc Festum venerit post Septuagesimam, omisso Alleluja. ¶ Versu sequenti, dicitur Tractus.

Pf. 20. Desiderium animæ ejus tribuisti ei, & volūtate labiorum ejus non fraudasti eum.

¶ Quoniam prævenisti eum in benedictionibus dulcedinis. ¶ Posuisti in capite ejus coronam de lapide pretioso.

Evangelium. Si quis vult venire post me. Ex Missa de communi unius Mart. Pont. que incipit, Sacerdotes Dei, &c.

Offertorium. Veritas mea, & misericordia mea cum ipso: & in nomine meo exaltabitur cornu ejus.

Secreta.

H Oftias tibi Domine, beati Vigiliū martyris atq; Pontificis dicatas meritis benignus affuse: & ad perpetuum nobis tribue provenire subsidium. Per Dominum nostrum.

Communio. Semel juravi in sancto meo, semen ejus in æternum manebit: & sedes ejus sicut Sol in conspectu meo, & sicut luna perfecta in æternum: & testis in cœlo fidelis.

Postcommunio.

R Efecti participatione munieris sacri, quæsumus Domine Deus noster, ut cujus exequimur cultum, intercedente beato Vigilio martyre tuo atque Pontifice, sentiamus effectum. Per Dominum nostrum..

FESTA FEBRUARII.
IN FESTO S. IGNATIJ, Episcopi & Martyris.

Cujus

Cujus Missa propria habetur prima Februarij, ut supra mense Februario, fit Commemoratio S. Brigidæ Virginis.

Oratio, pro S. Brigidæ.
Exaudi nos Deus salutaris noster: ut sicut de beatæ Brigidae Virginis tuæ festivitate gaudemus: ita piæ devotionis erudiamur affectu. Per Dominum nostrum.

Secreta.

Accepta tibi sit Domine, sacrata plebis oblatio pro tuorum honore Sanctorum: quorum se meritis de tribulacione percepisse cognoscit auxilium. Per Dominum.

Postcommunio.

SAtiasti Domine, familiam tuam muneribus sacris: ejus quæsumus semper interventione nos refove, cuius solemnia celebramus. Per Dominum.

SANCTÆ SCHOLASTICÆ, Virginis.

Missa, Vultum tuum. De Communi Virginum tantum.

FESTA MARTII.

IN FESTO S. CUNEDIS.

Missa, Dilexisti justitiam. De Communi Virginum tantum.

IN FESTO S. GERTRUDIS, Virginis.

10. Februari.

3. Mart.

16. Mart.

Missa, Dilexisti justitiam. De Communi Virginum tantum. Si hoc Festum venerit in Quadragesima, de eo tantum fit Commemoratio.

IN FESTO S. RUPERTI, Episcopi & Confessoris.

Missa, Statuite ei Dominus. De Communi Confessoris Pontificis.

FESTA MAII.

IN FESTO SANCTORUM Apostolorum Philippi & Jacobi.

Missa ut supra in Festis SS. I. die Maij, & fit commemoratio S. Walburgæ Virginis, in Missis privatis tantum.

ORATIO.

Exaudi nos Deus salutaris noster: ut sicut de beatæ Walburgæ Virginis tuæ festivitate gaudemus: ita piæ devotionis erudiamur affectu. Per Dominum nostrum.

Secreta.

Accepta tibi sit, Domine, sacrata plebis oblatio, pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Postcommunio.

SAtiasti Domine familiam tuam muneribus sacris: ejus quæsumus semper interventione nos refove, cuius solemnia celebramus. Per Dom.

27.
Mart.

1.
Maj.

IN

IN FESTO SANCTO-
RUM Floriani & Sociorum
Martyrum..

Introitus.

Psalm.
144.

Sancti tui Domine
 benedic te: glo-
 riam regni tui di-
 cent, Alleluja, allel.

ibid.

Psalm. Exaltabo te Deus
 meus Rex: & benedicam no-
 mini tuo in sæculum, & in sæ-
 culum sæculi. R. Gloria Patri.

O R A T I O.

Deus, qui nos cōcedis san-
 ctorum Martyrum tuorum
 Floriani & Sociorum natali-
 tia colere: da nobis in æter-
 na beatitudine de eorum so-
 cietate gaudere. Per Domi-
 num nostrum.

*Pro Commemoratione S. Mo-
 nicæ viduæ.*

O R A T I O.

Exaudi nos Deus salutaris
 noster: ut sicut de beatæ
 Monicæ festivitate gaude-
 mus: ita piæ devotionis eru-
 diamur affectu. Per Dominum.

*Epist. Benedictus Deus, &
 Pater Domini nostri. Ex Com-
 muni martyrum tempore Paschali.*

Alleluja, alleluja. v. Sancti tui
 Domine florebunt sicut li-
 lium, & sicut odor balsami e-
 runt ante te. Alleluja. v. Pre-
 tiosa in conspectu Domini,
 mors Sanctorum ejus. Allel.

Evangelium. Ego sum vitis:

Psalm.
115.

vos palmites. *Ex Communi*
Martyrum tempore Paschali.

Offertorium. Lætamini in
 Domino, & exultate justi: &
 gloriamini omnes recti cor-
 de. Alleluja, alleluja.

Secreta.

Quæsumus Domi-
 ne, placare muneribus: &
 intercedentibus sanctis mar-
 tyribus tuis Floriano & So-
 ciis, à cunctis nos defende
 periculis. Per Dominum no-
 strum.

Pro S. Monica Secreta.

Accepta tibi sit Domine, sa-
 cratæ plebis oblatio, pro
 tuorum honore Sanctorum:
 quorum se meritis percepis-
 se de tribulatione cognoscit
 auxilium. Per Dominum.

Communio. Gaudete justi in
 Domino, alleluja: rectos de-
 cet collaudatio, alleluja.

Postcommunio.

Præsta nobis, quæsumus
 Domine, intercedentibus
 sanctis martyribus tuis Flo-
 riano & Socijs: ut quod ore
 contingimus, purâ mente
 capiamus. Per Dominum no-
 strum..

Pro S. Monica, Postcommunio.

Satiasti Domine familiam
 tuam muneribus sacris: e-
 jus quæsumus semper inter-
 ventione nos refove: cuius
 solemnia celebрамus. Per
 Dominum nostrum..

IN

s.
Maj.IN FESTO S. GOTTT-
HARDI, Episcopi & Conf.*Introitus.*

Acerdotes tui Domine induant justitiam: & Sancti tui exultent: propter David servum tuum, non avertas faciem Christi tui, Alleluja, all.

Psalm. Memento Domine David: & omnis mansuetudinis ejus. v. Gloria Patri.

O R A T I O .

EXaudi quæsumus Domine, preces nostras, quas in beati Gotthardi Confessoris tui atque Pontificis solemnitate deferimus: & qui tibi dignè meruit famulari, ejus intercedentibus meritis ab omnibus nos absolve peccatis. Per Dominum nostrum.

Lætio Epistolæ beati Pauli Apostoli ad Hebræos.

Fratres. Mementote præpositorum vestrorum, qui vobis locuti sunt verbum DEI: quorum intuentes exitum conversationis, imitamini fidem. J E S U S Christus heri & hodie: ipse & in sæcula. Doctrinis variis & peregrinis nolite abduci. Optimum est enim gratiâ stabilire cor, non escis, quæ non profuerunt ambulantibus in eis. Habeamus altare: de quo edere nō habent potestatem, qui tabernaculo deserviunt. Quo-

rum enim animalium infertur sanguis, pro peccato in sancta, per Pontificem, horum corpora crematur extra castra. Propter quod & JESUS, ut sanctificaret per suum sanguinem populum, extra portam passus est. Exeamus igitur ad eum extra castra, impopérium ejus portantes. Non enim habemus hic manentem civitatem: sed futuram inquirimus. Per ipsum ergo offeramus hostiam laudis semper DEO, id est, fructum labiorum confitentium nomini ejus. Beneficiæ autem & communionis nolite oblivisci: talibus enim hostiis promeretur DEUS. Obedite præpositis vestris, & subjacete eis. Ipsi enim per vigilant, quasi rationem pro animabus vestris reddituri.

Alleluja, alleluja. v. Juravit Dominus, & non pœnitabit eum: tu es Sacerdos in æternum secundum ordinem Melchisedech. Alleluja. v. Amavit eum Dominus, & ornavit eum: Stolam gloriæ induit eum. Alleluja.

Sequentia sancti Evangelij secundum Matthæum.

IN illo tempore dixit JESUS Discipulis suis: Vigilate, quia nescitis quâ horâ Dominus vester venturus sit. Illud autem scitote, quoniam si sciret

B

pater-

Psalms.
131.

Ibid.

Psalms.
109.Ecclesiæ.
45.Matt.
24.

paterfamilias, quā horā fur
venturus esset: vigilaret uti
que, & non sineret perfodi
domum suām. Ideò & vos e
stote parati: quia nescitis quā
horā Filius hominis ventu
rus sit. Quis putas, est fide
lis servus & prudens, quem
constituit Dominus super fa
miliam suām, ut det illis ci
bum in tempore? Beatus ille
servus, quem cūm venerit
Dominus ejus, invenerit sic
facientem. Amen dico vob
is, quoniam super omnia
bona sua constituet eum.

Pf. 88.

Offertorium. Veritas mea &
misericordia mea cum ipso:
& in nomine meo exaltabi
tur cornu ejus.

Secreta.

Sancti Gotthardi Confesso
ris tui atque Pontificis, quæ
sumus Domine, annua solem
nitas pietati tuæ nos reddat
acceptos: ut per hæc piæ
placationis officia, & illum
beata retributio comitetur,
& nobis gratiæ tuæ dona cō
ciliet. Per Dominum nostrū.

Matt.
24.

Communio. Beatus servus,
quem cum vénérerit Dominus,
invenerit vigilantem: Amen
dico vobis, super omnia bo
na sua constituet eum.

Postcommunio.

Deus fidelium remunera
tor animarum, præsta: ut bea

ti Gotthardi Confessoris tui
atque Pontificis, cuius vene
randam celebramus festivi
tatem, precibus indulgenti
am consequamur. Per Dom.

FESTA JUNII.

**IN FESTO S. PAULI
NI,** Episc. & Confess.

Missa ut supra in festis Ss. 22. Junij,
& fit commemorationis sanctorum
Achatij & sociorum martyrum.

**¶ Pro commemoratione Ss. A
chatij & sociorum martyrum.**

ORATIO.

Deus, qui nos cōcedis san
ctorum martyrum tuorum A
chatij & sociorum natalitia
colere: da nobis in æterna
beatitudine de eorum socie
tate gaudere. Per Dominū.

Secreta.

Munera tibi Domine, no
stræ devotionis offerimus:
quæ & pro tuorum tibi grata
sint honore justorum, & no
bis salutaria, te miserante,
reddantur. Per Dominum.

Postcommunio.

Præsta nobis, quæsumus
Domine, intercedētibus san
ctis martyribus tuis Achatio
& sociis: ut quod ore contin
gimus, purâ mente capia
mus. Per Dominum.

FESTA JULII.

**IN FESTO S. VDAL
RICI,** Episcopi & Confess.

4. Iuli.

In

Introitius.

ps. 131.
Sacerdotes tui Domine induant justitiam: & Sancti tui exultent: propter David servum tuum, non avertas faciem Christi tui.

Ibid. **Psalm.** Memento Domine David: & omnis mansuetudinis ejus. *v.* Gloria Patri.

O R A T I O .

Exaudi quæsumus Domine, preces nostras, quas in beati Udalrici Confessoris tui atque Pontificis solemnitate deferimus: & qui tibi dignè meruit famulari, ejus intercedentibus meritis ab omnibus nos absolve peccatis. Per Dominum nostrum..

Pro Commemoratione SS. Apostolorum Petri & Pauli.

O R A T I O .

Deus, qui hodiernam diem Apostolorum tuorum Petri & Pauli martyrio consecrasti: da Ecclesiæ tuæ, eorum in omnibus sequi præceptum, per quos religionis sumpfit exordium. Per Dominum.

Lectio Epistolæ beati Pauli Apostoli ad Hebreos.

Hebr. **F**ratres. Plures facti sunt sacerdotes secundum legem, idcirco quod morte prohiberentur permanere. Jesus autem, eo quod maneat in æternum, sempiternum habet sacerdotium. Unde & salva-

re in perpetuum potest accedentes per semet ipsum ad DEUM: semper vivens ad interpellandum pro nobis. Talis enim decebat, ut nobis esset pontifex, sanctus, innocens, impollutus, segregatus à peccatoribus, & excelsior cœlis factus. Qui non habet necessitatem quotidie; quæadmodum sacerdotes, priùs pro suis delictis hostias offerre, deinde pro populi. Hoc enim fecit semel, seipsum offerendo, Jesus Christus Dominus noster..

Graduale. Sacerdotes ejus induam salutari: & sancti ejus exultatione exultabunt. *v.* Illic producam cornu David: paravi lucernā Christo meo.

psalm.
131.

Alleluja, alleluja. *v.* Juravit Dominus, & non pœnitabit eum: tu es sacerdos in æternum secundum ordinem Melchisedech. Alleluja. *v.* Amavit eum Dominus, & ornavit eum: stolam gloriæ induit eum. Alleluja.

Evangelium. Sint lumbi vestri præcincti. *Ex Communi Confess. non Pontif.*

Offertorium. Veritas mea & misericordia mea cum ipso: & in nomine meo exaltabitur cornu ejus.

ps. 88.

Secreta.

Sancti Udalrici Confessoris tui atque Pontificis, quæsumus

Domine , annua solemnitas pietati tuæ nos reddat acceptos: ut per hæc piæ placationis officia , & illum beata retributio comitetur , & nobis gratiæ tuæ dona conciliet. Per Dominum nostrum,
Pro Ss. Apostolis Petro & Paulo.

Secreta.

Hostias Domine , quas nomini tuo sacrandas offerimus , Apostolica prosequatur oratio: per quam nos expiari tribuas & defendi. Per Dominum nostrum.

Præfatio de Apostolis.

Communio. Beatus servus, quem cum vénérerit Dominus, invénerit vigilantem: Amen dico vobis, super omnia bona sua constituet eum.

Postcommunio.

Deus fidelium remunerat or animarum , præsta : ut beati Udalrici Confessoris tui atque Pontificis, cuius venerandam celebramus festivitatem, precibus indulgentiam consequamur. Per Dominum nostrum.

Pro Ss. Apostolis Petro & Paulo

Postcommunio.

Quos cœlesti Domine, alimento satiasti : Apostolicis intercessionibus ab omni adversitate custodi. Per Dom. IN FESTO S. MARGARITÆ, Virginis & Martyris.
Missa. Me expectaverunt. De

Communi Virginum & martyrum, fit Commemoratio sanctorum Naboris & Felicis martyrum.

O R A T I O.

Præsta quæsumus Domine, ut sicut nos sanctorum martyrum tuorum Naboris & Felicis natalitia celebranda nō deserunt : ita jugiter suffragijs comitentur..

¶ Pro Commemoratione sancti Joannis Gualberti, Abbatis.

O R A T I O.

Intercessio nos, quæsumus Domine, beati Joannis Gualberti Abbatis commendet: ut quod nostris meritis non valemus, ejus patrocinio asequamur. Per Dominum.

Pro SS. Nabore & Felice.

Secreta.

Munera plebis tuæ, quæsumus Domine , sanctorum martyrum Naboris & Felicis fiant grata suffragijs: & quorum triumphis tuo nomini offeruntur , ipsorum digna perficiantur & meritis.

Pro S. Joanne Gualberto, Abate.

Secreta.

Præsta nobis , quæsumus omnipotens Deus: ut nostra humilitatis oblatio , & protuorum tibi grata sit honore sanctorum , & nos corpore pariter & mente purificet.. Per Dominum nostrum.

Pro

Pro SS. Nabore & Felice.

Postcommunio.

Natalitiis sanctorum tuorum, quæsumus Domine, ut Sacramenti munere vegetati, bonis, quibus per tuam gratiam nunc sovemur, perfruamur æternis.

Pro S. Joanne Gualberto,
Abbate.

Postcommunio.

Protegat nos Domine, cum tui perceptione Sacramenti, beatus Joannes Gualbertus Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominū.

IN FESTO S. HENRICI, Imperatoris & Confessoris.

Missa. Os justi meditabitur sapientiam. Ex Communi Confessoris non Pontif. Festum verò sancti Anacleti transfertur.

FESTA AUGUSTI.
IN FESTO INVENTIONIS S. Stephani, Protomartyris.

Ad Missam omnia dicuntur de Natali ejus, & ubi dicitur in oratione Natalitia celebramus, dicitur, Inventio nem celebрамus.

Præfatio Communis.

IN TRANSLATIONE S. Valentini, Missa dicitur, ut in ejus

dem Festo 7. Januarij, horum Festorum proprietorum Paßaviensium.

Præfatio Communis.

IN DEDICATIONE EC
clesiæ Paßaviensis, Missa ut in Communi de Anniversario Dedicationis Ecclesiæ.

¶ Tria hæc prædicta Festa, Inventionis, Translationis, & Dedicationis celebrantur in Cathedrali Ecclesia cum Octavis: quarum in Festis occurrentibus, & translati tantum fit Commemoratio: in diebus vero Octavis eorum dicitur Missa, ut in ipsis festis: præter Octavam Inventionis S. Stephani, cuius fit tantum Commemoratio in festo S. Laurentij, sine commemoratione Dedicationis.

IN DEDICATIONE
S. MARIAE ad Nives.
Missa. Salve sancta parens. Ut in Missis votivis beatæ Mariæ Virginis, à Pentecoste usq; ad Adventum, & fit commemoratio sanctæ Afræ Martyris.

ORATIO.

Deus, qui inter cætera potentiae tuæ miracula, etiam in sexu fragili victoriam martyrij contulisti: concede propitius, ut qui beatæ Afræ martyris tuæ natalitia colimus, per ejus ad te exempla gradiamur.

Deinde S. Donati, Episc. & Martyr.

ORATIO.

Deus tuorum gloria sacerdotum: præsta quæsumus, ut



sænti martyris tui & Episco-
pi Donati , cuius festa geri-
mus , sentiamus auxilium..
Per Dominum nostrum.

Pro S. Afra.

Secreta.

Suscipe Domine munera ,
quæ in beatæ AFRÆ marty-
ris tuæ solemnitate deferi-
mus : cuius nos confidimus
patrocinio liberari.

Pro S. Donato.

Secreta.

PRæsta quæsumus Domine:
ut sancti martyris tui & Epi-
scopi Donati intercessione
quem ad laudem nominis tui
dicatis muneribus honora-
mus, piæ nobis fructus devo-
tionis accrescat. Per Dom.

Pro S. Afra.

Post Communio.

AUXilientur nobis Domine.
sumpta mysteria: & interce-
dente beata AFRÆ martyre
tua: sempiterna faciant pro-
tectione gaudere.

Pro S. Donato.

Post Communio.

OMnipotens & misericors
DEUS, qui nos Sacramento-
rum tuorum, & particeps ef-
ficiis & ministros: PRæsta quæ-
sumus, ut intercedente bea-
to Donato martyre tuo atq;
Pontifice, ejusdem proficia-
mus & fidei confortio, & di-
gne servitio. Per Dominum
nostrum.

FESTA SEPTEMBRIS.
IN FESTO S. ANGE-
LI CUSTODIS.

Introitus.

BEnedicte Domi-
num omnes Ange-
li ejus : potentes
virtute , qui facitis
verbum ejus, ad audiendam
vocem sermonum ejus:

*Psalm. Benedic anima mea
Domino: & omnia, quæ intra-
me sunt, nomini sancto ejus.
¶ Gloria Patri.*

ORATIO.

DEUS, qui ineffabili provi-
dencia sanctos Angelos tuos
ad nostram custodiam mitte-
re dignaris: largire supplici-
bus tuis , & eorum semper
protectione defendi, & æter-
nâ societate gaudere. Per
Dominum nostrum.

Lectio libri Exodi.

HÆC dicit Dominus Deus:
Ecce ego mittam Angelum
meum . qui præcedat te , &
custodiat in via , & introdu-
cat in locum, quem paravi.
Observa eum, & audi vocem
ejus, nec cōtemnendum pu-
tes : quia non dimittet cum
peccaveris, & est nomen me-
um in illo, QUOD si audieris
vocem ejus, & feceris omnia
quæ loquor, inimicus ero ini-
micis tuis, & affligam affigen-
tes te: præcedetq; te Ange-
lus meus.

Gra-

Pf. 90.

Graduale. Angelis suis Deus mandavit de te, ut custodiant te in omnibus vijs tuis. ¶ In manibus portabunt te, ne unquam offendas ad lapidem pedem tuum, Alleluja, alleluja. ¶ Benedicte Domino omnes virtutes ejus: ministri ejus, qui facitis voluntatem ejus. Alleluja.

Pf. 182.

Ibid. Post Septuagesimam, omisso Alleluja, ¶ Versu sequenti, dicitur *Tractus.* Benedicte Dominū omnes Angeli ejus: potentes virtute, qui facitis verbū ejus. ¶ Benedicte Domino omnes virtutes ejus: ministri ejus, qui facitis voluntatem ejus. ¶ Benedicte Domino omnia opera ejus: in omni loco dominationis ejus, benedic anima mea Domino.

Pf. 137.

Tempore Paschali omittitur Graduale, ¶ ejus loco dicitur, Alleluja, alleluja. ¶ In conspectu Angelorū psallam tibi: adorabo ad templum sanctū tuum, & confitebor nomini tuo. Alleluja. ¶ Angelus Domini descendit de cœlo, & accedens revolvit lapidem, & sedebat super eum. Alleluja. *Sequentia sancti Evangelij secundum Matthæum.*

Matth.

28.

In illo tempore: Accesserunt discipuli ad Jesum, dicentes: Quis putas, major est in regno cœlorum? Et advocans Jesum parvulum, statuit

eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in regnum cœlorum.. Qui cumque ergo humiliaverit se sicut parvulus iste, hic major est in regno cœlorum. Et qui suscepit unum parvulum tales in nomine meo, me suscipit. Qui autem scandalizaverit unum de pusillis ipsis, qui in me credunt, expedit ei, ut suspendatur mola asinaria in collo ejus, & demergatur in profundum maris. Væ mundo à scandalis. Necesse est enim ut veniant scandalala: verumtamen vae homini illi, per quem scandalum venit. Si autem manus tua, vel pes tuus scandalizat te, abscide eum, & projice aste: bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem æternum. Et si oculus tuus scandalizat te, erue eum, & projice aste: bonum tibi est cum uno oculo in vitam intrare; quam duos oculos habentem mitti in gehennam ignis. Videte ne contemnatis unum ex his pusillis: dico enim vobis, quia Angeli eorum in cœlis semper vident faciem Patris mei, qui in cœlis est. Credo.

Offer-

*Psalms.
102.* **Offertorium.** Benedicite Dominum omnes Angeli ejus: ministri ejus, qui facitis verbum ejus, ad audiendum vocem sermonum ejus.

commemoratio S. ADRIANIM martyris, & S. CORBINIANI Episcopi & Confessoris.

Pro commemoratione S. Corbiniani.

ORATIO.

DA quæsumus omnipotens Deus: ut beati Corbiniani Confessoris tui atque Pontificis, veneranda solemnitas, & devotionem nobis augeat, & salutem. Per Dominum.

Secreta.

Suscipe Domine munera, quæ pro sanctorum Angelorum tuorum veneratione defrimus: & concède propitius: ut perpétuis eorum praesidiis, à presentibus periculis liberemur, & ad vitam perenniam æternam. Per Do-

Sancti tui, quæsumus Domine, nos ubique lètificent: ut dum eorum merita recolimus, patrocinia sentiamus. Per Dominum nostrum.

Postcommunio.

Communio. Benedicite omnes Angeli Domini Dominum: hymnum dicite, & superexaltate eum in sæcula.

Præsta quæsumus omnipotens Deus: ut de perceptis muneribus gratias exhibentes, intercedente beato Corbiniano Confessore tuo atque Pontifice, beneficia potiora sumamus. Per Dominum.

Dan. 3.

Sumpsimus Domine divina mysteria, sanctorum Angelorum tuorum festivitate lètantantes: quæsumus; ut eorum protectione ab hostium jugiter liberemur insidijs, & contra omnia adversa muniamur. Per Dominum nostrum.

IN OCTAVA S. ANGELI ^{u. Sept.} Custodis, Missa ut in die, cum commemoratione Octavæ Nativitatis

B. MARIAE, & S. Gorgonij Martyris.

S. WENCESLAI, Martyris.

*Missa, In virtute tua. Decom-
muni unius Mart. non Pontif.*

FESTA OCTOBRIS.

IN FESTO S. MAXIMILIANI Episcopi & Martyris.

Missa,

s. Sept.

INFRA OCTAVAM S. ANGELI Custodis, & in ejus die Octava fit idem Officium, quod in die festo, & infra Octavam dicitur secunda Oratio de B. Virgine, Concede.

Tertia Ecclesiæ, vel pro Papa.

IN NATIVITATE B. MARIAE Virginis, (cujus Missa habetur supra in festis Mensis Septembris die 8.) in Missis privatis fit

Missa, Sacerdotes Dei. De Communi unius Mart. Pontif.

Evangelium. Si quis venit ad me. Ex Missa præcedenti in eodem Communi.

IN CATHEDRALI ECclesia celebratur hoc Festum cum Octava: infra quam in Missa post primam Orationem diei, dicitur secunda Oratio de sancta MARIA. Concede nos. Tertia contra Persecutores Ecclesiæ; habentur post Dominicam in Albis.

IN FESTO S. COLOMANNI, Martyris.

Introitus.

N virtute tua Domine lætabitur justus, & super salutare tuum exultabit vehementer: desiderium animæ ejus tribuisti ei.

Psalm. Quoniam prævenisti eum in benedictionibus dulcedinis: posuisti in capite ejus coronam de lapide pretioso. v. Gloria Patri. In virtute.

ORATIO.

Præsta quæsumus omnipo-tens Deus: ut qui beati Colomanni martyris tui natalitia colimus: intercessione ejus in tui nominis amore ro-boremur. Per Dominum no-strum JESUM Christum.

Lectio Epistolæ beati Petri Apostoli.

Charissimi, Comunicantes Christi passionibus gaudete: ut & in revelatione gloriæ ejus gaudeatis exultantes. Si exprobrámini in nomine Christi, beati eritis. quoniam quod est honoris, gloriæ, & virtutis DEI, & qui est ejus spiritus, supervos requiescit. Nemo autem vestrū patiatur ut homicidia, aut alienorum appetitor. Si autem ut Christianus: non erubescat: glorificet autem Deum in isto nomine. Quoniam tempus est, ut incipiat judicium à domo Dei. Si autem primū à nobis: quis finis eorum, qui non credunt Dei Evangelio? Et, si justus vix salvabitur: impius & peccator ubi parebunt? Itaque & hi, qui patiuntur secundū voluntatem Dei: fideli creatori commendent animas suas in benefactis.

Graduale. Beatus vir, qui timet Dominum, in mandatis ejus cupid nimis. v. Potens in terra erit semen ejus: genera-tio rectorum benedicetur. Alleluja, alleluja. v. Posuisti Domine super caput ejus corona-m de lapide pretioso. Alleluja.

Sequentia sancti Evangelij secun-dum Matthæum.

*I*n illo tempore: Dixit JE-sus

Matth
16.

sus Discipulis suis. Si quis vult venire post me, abneget semetipsum, & tollat crucem suam, & sequatur me.. Qui enim voluerit animam suam salvam facere, perdet eam. Qui autem perdiderit animam suam propter me, invéniet eam. Quid enim prodest homini, si universum mundum lucretur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris cum Angelis suis, & tunc redet unicuique secundum opera ejus.

Psalm. 8. **Offertorium.** Gloria & honore coronasti eum: & constitisti eum super opera manuum tuarum Domine.

Secreta.

MUneribus nostris, quæsumus Domine, precibusque suscepis, & cœlestibus nos munda mysteriis: & clementer exaudi. Per Dominum.

Communio. Qui vult venire post me, abneget semetipsum, & tollat crucem suam, & sequatur me.

Postcommunio.

DA quæsumus Domine Deus noster: ut sicut tuorum Commemoratione Sanctorum, temporali gratulamur

officio: ita perpetuo lætemur aspectu. Per Dominum nostrum.

IN FESTO S. CALLISTI, Papæ & Martyris.

Missa suprà in festis mensis Octobris die 14. pro Commemoratione S. Burchardi, Episcopi & Confessoris.

ORATIO.

DAquæsumus omnipotens Deus: ut beati Burchardi Confessoris tui atque Pontificis veneranda solemnitas, & devotionem nobis augeat & salutem. Per Dominum.

Secreta.

SAncti tui, quæsumus Domine, nos ubique lætificant: ut dum eorum merita recolimus, patrocinia sentiamus. Per Dominum nostrum..

Postcommunio.

PRæsta quæsumus omnipotens Deus: ut de perceptis muneribus gratias exhibentes, intercedente beato Burchardo Confessore tuo atq; Pontifice, beneficia potiora sumamus. Per Dominum.

SANCTI GALLI,
Abbatis.

Missa, Os justi. De Communi pro Abbatibus.

IN FESTO SS. URSULÆ, & Sociarum Virg. & Martyr.

In-

Introitus.

NE expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimirum.

Ibid. Psalm. Beati immaculati in via: qui ambulant in lege Domini. ¶ Gloria Patri. Me expectaverunt.

ORATIO.

DA nobis, quæsumus Domine, sanctorum Virginum & martyrum tuarum Ursulæ & sociarum ejus, palmas incessibili devotione venerari: ut quas digna mente non possumus celebrare, humilibus saltem frequentemus obsequiis. Per Dominum nostrum JESUM Christum.

Pro Commemoratione S. Hilarionis, Abbatis.

Intercessio nos quæsumus Domine, beati Hilarionis Abbatis commendet: ut quod nostris meritis non valemus, ejus patrocinio assequamur. Per Dominum nostrum.

Lectio Epistole beati Pauli Apostoli ad Corinthios.

Fratres. De Virginibus præceptum Domini non habeo: consilium autem do, tanquam misericordiam conse-

cutus à Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? noli quærere solutionem. Solutus es ab uxore? noli quærere uxorem: Si autem acceperis uxorem, non peccasti. Et si nupserit Virgo, non peccavit. Tribulationem tamen carnis habebunt hujusmodi. Ego autem vobis parco. Hoc itaque dico, fratres: tempus breve est. Reliquum est, ut & qui habent uxores, tanquam non habentes sint: & qui flent, tanquam non flentes: & qui gaudent, tanquam non gaudentes: & qui emunt, tanquam non possidentes: & qui utuntur hoc mundo, tanquam non utan- tur. Præterit enim figura hujus mundi. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori: & divisus est. Et mulier innupta & virgo cogitat quæ Domini sunt: ut sit sancta & corpore & spiritu, in Christo JESU Domino nostro.

Graduale. Adjuvabit eam

Deus vultu suo : Deus in me-
dio ejus non commovebitur.
¶ Fluminis impetus lætificat
civitatem Dei : sanctificavit
Tabernaculum suum Altissi-
mus. Alleluja , alleluja. ¶
Hæc est virgo sapiens , & u-
na de numero prudentum.
Alleluja.

*Matth.
25.*

*Sequentia sancti Evangelij secun-
dum Matthæum.*

IN illo tempore dixit Jesus Discipulis suis Parabolam hanc. Simile est Regnum cœlorum decem Virginibus : quæ accipientes lampades suas , exierunt obviam sponso & sponsæ. Quinque autem ex eis erant fatuæ , & quinque prudentes . Sed quinque fatuæ acceptis lampadibus non sumpserunt oleum secum. Prudentes vero accepérunt oleum in vasis suis cum lampadibus . Moram autem faciente sponso , dormitavérunt omnes & dormiérunt . Media autem nocte clamor factus est : Ecce sponsus venit , exite obviam ei. Tunc surrexérunt omnes virgines illæ , & ornavérunt lampades suas. Fatuæ autem sapientibus dixerunt : Date nobis de oleo vestro : quia lampades nostræ extinguntur. Responderunt prudentes , dicentes :

Ne forte non sufficiat nobis & vobis : ite potius ad vendentes , & emite vobis. Dum autem irent emere , venit Sponsus , & quæ paratæ erant , intravérunt cum eo ad nuptias , & clausa est janua. Novissimè vero veniunt & reliquæ virgines , dicentes : Domine , Domine aperi nobis. At ille respondens , ait : Amen dico vobis , nescio vos. Vigilate itaque , quia ne scitis diem , neque horam.

Offertorium. Afferentur regi virgines post eam : proximæ ejus afferentur tibi.

Secreta.

Intende quæsumus Domine , munera altaribus tuis pro sanctarum martyrum & virginum Ursulæ & sociarum ejus festivitate proposita : ut sicut per hæc beata mysteria illis gloriam contulisti , ita nobis indulgentiam largiaris . Per Dominum nostrum.

Pro S. Hilarione.

Secreta.

SAcris altaribus Domine , hostias superpositas sanctus Hilarion Abbas , quæsumus , in salutem nobis provenire deposcat . Per Dominum ..

Communio. Confundantur superbi , quia injustè iniquitatem fecerunt in me : ego au-

tem

tem in mandatis tuis exercebor, in tuis justificationibus, ut non confundar.

Postcommunio.

PRÆSTA nobis quæsumus Domine, intercedētibus sanctis martyribus & Virginibus tuis: ut quod ore contingimus, pura mente capiamus. Per Dominum nostrum.

Pro S. Hilarione, Abbe.

Postcommunio.

PROTEGAT nos Domine, cum tui perceptione Sacramenti beatus Hilarion Abbas pro nobis intercedendo: ut & conversationis ejus experiamur insignia, & intercessionis ipsius percipiamus suffragia. Per Dominum nostrum.

IN FESTO S. WOLFGANGI, Episcopi & Conf.

Missa, Sacerdotes tui. *De Communi Confessorum Pontif.*

Et fit Commemoratio Vigiliæ omnium Sanctorum. Cujus Missa propria habetur suprà.

Oratio pro Commemoratione Vigiliæ.

DOMINE Deus noster, multiplica super nos gratiam tuam, & quorum prævenimus gloria solemnia, tribue subsequi in sancta professione lætitiam.

Tertia Oratio de Spiritu Santo.

DEUS qui corda fidelium, Sancti Spiritus illustratione docuisti: da nobis in eodem Spiritu recta sapere, & de ejus semper cōsolatione gaudere. Per Dominum. in unitate ejusdem Spiritus Sancti Deus.

Pro Vigilia omnium Sanctorum.

Secreta.

ALTARE tuum Domine, muneribus cumulamus oblatis: da quæsumus: ut ad salutem nostram, omnium Sanctorum tuorum precatione proficiant, quorum solemnia ventura præcurrimus.

De S. Spiritu.

Secreta.

MUNERA, quæsumus Domine, oblata sanctifica: & corda nostra Sancti Spiritus illustratione emunda. Per Dominum. in unitate ejusdem Spiritus Sancti Deus.

Pro Vigilia omnium Sanctorum.

Postcommunio.

SACRAMENTIS Domine, & gaudiis optatæ celebritatis expletis, quæsumus, ut eorum precibus adjuvemur, quorum recordationibus exhibentur.

De S. Spiritu.

PostCommunio.

SANCTI Spiritus Domine,

corda nostra mundet infusio:
& sui roris intima aspersione
fæcundet. Per Dominum no-
strum JESUM Christum filium
tuum, qui tecum vivit & reg-
nat in unitate ejusdem Spir-
itus Sancti Deus.

FESTA NOVEMBRI.

*6. No-
vemb.* Post Orationem de omnibus San-
ctis, fit Commemoratio sancti Leo-
nardi Abbatis, Intercessio,
ex Communi pro Ab-
batibus.

*15. No-
vemb.* IN FESTO S. LEO-
POLDI, Confessoris.

*Psalm.
36.*



S justi meditabitur
sapientiam, & lin-
gua ejus loquetur
judicium: lex Dei
ejus in corde ipsius.

Ibid.

Psalm. Noli æmulari in ma-
lignantibus: neque zelave-
ris facientes iniquitatem..
¶ Gloria Patri. Os justi.

ORATIO.

DEus qui sanctum Leopol-
dum, ex Principatu & curis
sæculi hujus, immaculatum
ad regnum cœlestē traduxi-
sti: concede propitius: tua
clementia ita nos per hæc
temporalia dirigi, ut æter-
næ vitæ confortes effici me-
reamur. Per Dominum no-
strum..

*Ecclesi.
31.* Lectio Libri Sapientiae.
BEatus vir, qui inventus est
sine macula: & qui post au-
rum non abiit, nec speravit
in pecuniæ thesauris. Quis
est hic, & laudabimus eum?
fecit enim mirabilia in vita
sua. Qui probatus est, erit
illi gloria æterna. Qui po-
tuit transgredi, & non est
transgressus: facere mala,
& non fecit. Ideò stabilita
sunt bona illius in Domino:
& eleemosynas illius enarrabit
omnis Ecclesia sanctorum..

*Psalms.
19.* Graduale. Justus ut palma
floredit: sicut cedrus Libani,
multiplicabitur in domo Do-
mini. ¶ Ad annuntiandum
manè misericordiam tuam,
& veritatem tuam per no-
strem. Alleluja, alleluja. ¶
Beatus vir, qui suffert tenta-
tionem: quoniam cum pro-
batus fuerit, accipiet coro-
nam vitæ. Alleluja.

Sequentia sancti Evangelij secun-
dum Lucam.

Luc. 19. IN illo tempore: Dixit JE-
sus Discipulis suis parabo-
lam hanc. Homo quidam no-
bilis abiit in regionem lōgin-
quam accipere sibi regnum,
& reverti. Vocatis autem de-
cem servis suis, dedit eis de-
cem mnas, & ait ad illos: Ne-
gotiamini dum venio. Ci-
ves

ves autem ejus oderant eum: & miserunt legationem post illum, dicentes: Nolumus hunc regnare super nos. Et factum est, ut rediret accepto regno: & iussit vocari servos, quibus dedit pecuniam: ut sciret quantum quisque negotiatus esset.. Venit autem primus, dicens: Domine, mna tua decem mnas acquisivit. Et ait illi: Euge serve bone, quia in modico fuisti fidelis, eris potestatem habens super decem civitates. Et alter venit, dicens: Domine, mna tua fecit quinque mnas. Et huic ait: Et tu esto super quinque civitates. Et tertius venit, dicens: Domine, ecce mna tua, quam habui repositam in sudario. Timui enim te, quia homo austerus es: tollis quod non posuisti, & metis quod non seminasti. Dicit ei: De ore tuo te judico, serve nequam. Sciebas, quod ego homo austerus sum, tollens quod non posui, & metens quod non seminavi: & quare non dedisti pecuniam meam ad mensam, & ego veniens, cum usuris utique exegisssem illam? Et astantibus dixit.. Auferete ab illo mnam, & date illi qui decem mnas habet.. Et dixerunt ei: Domine, habet

decem mnas. Dico autem vobis, quia omni habenti dabitur, & abundabit: ab eo autem qui non habet, auferretur ab eo.

Offertorium. Veritas mea,
Psalms.
88. & misericordia mea cum ipso: & in nomine meo exalbitur cornu ejus.

Secreta.

LAUDIS tibi Domine, hostias immolamus in tuorum Commemoratione Sanctorum: quibus nos & præsentibus exui malis confidimus, & futuris. Per Dominum nostrum.

Communio. Beatus servus,
Matthew
24. quem cum venerit Dominus, invenerit vigilarem: Amen dico vobis, super omnia bona sua constituet eum.

Postcommunio.

DEUS, qui beatum Confesorem tuum Leopoldum mirificasti in terris, & gloriosum in cœlis fecisti: eundem quæsumus, Ecclesiæ tuæ constitue defensorem. Per Dominum nostrum JESUM Christum Filium tuum..

**S A N C T Æ E L I S A -
B E T H Æ V i d u æ .**

Missa, Cognovi Domine. De
Communi nec Virginum nec
Martyrum..

19. No-
vemb.


Pro Commemoratione sancti Pontiani Papæ & Martyris. **I**N FESTO S. VIRGILII, Episcopi & Confessoris.
Oratio. Infirmitatem nostram. De Communi unius Martyris Pontificis. **M**issa, Statuit ei Dominus.
De Communi Confessorum Pontificum.

27.
Nov.

F I N I S.

P A S S A V I I,
Ex Typographia GEORGII HÖLLER.

Anno Salutis M. DC. LXX.



RENN. 14. T. 1943

HCS



**Missale
Romanum**

Satzburg 1671.